

## SILAT UNDANGAN ANTARABANGSA



**RAWATAN SEGERA:** Bibir Malek segera dirawat apabila kecederaan lamanya berdarah kembali.

# Malek kutip emas tunggal kita

29 AUG 1988

Oleh MOHD SANI ALI

KECEDERAAN tidak menghalang semangat perjuangan Abdul Malek Ahmad untuk memungut pingat emas tunggal Singapura dalam Kejohanan Pencak Silat Undangan Antarabangsa di Dewan Sukan Bedok, malam tadi.

Walaupun dalam keadaan cedera, namun Malek, pesilat dari Seni Silat Al-Haq, menghimpunkan segenap kekuatan dan disulam pula oleh segenap kegigihan untuk mengatasi lawannya, Faudillah Ghani dari Brunei.

Selepas kemenangannya, Malek berkata: "Ini adalah kejayaan pertama saya di peringkat antarabangsa, malah ia juga adalah penyertaan pertama saya dalam kejohanan seumpama ini."

Kaki kanan dan bibir Malek tercedera semasa menentang adik kandungnya, Riduan Ahmad, dalam pertandingan peringkat nasional yang diadakan awal dari ini.

Malah dalam pertandingan akhir semalam, Malek, sekali lagi mengalami kecederaan yang serupa ketika berdepan dengan pesilat Brunei tadi.

Malek menambah: "Sebenarnya saya tidak menduga untuk

memenangi pertarungan ini, tambahan lagi lawan saya kelihatan begitu lincih. Mujur tendangan sendeng saya berhasil memberi mata yang amat saya perlukan."

Berikut ialah keputusan penuh pertandingan — *Bahagian lelaki:*

Kelas A — Mohamed Basri Rahman (Malaysia) kalahkan Merzani Ramli (Brunei).

Kelas B — Abdul Malek Ahmad (Singapura) kalahkan Faudillah Ghani (Brunei).

Kelas C — Mohamed Yamin (Indonesia) kalahkan Hussin Shah Haji Hadi (Brunei).

Kelas D — Lenhart Eduard (Austria) kalahkan Azman

Amat (Singapura).

Kelas E — Slavko Rako (Yugoslavia) menang percuma dari Andre Mewis (Jerman Barat).

Kelas F — Wan Adnan Wan Isa (Malaysia) kalahkan Rudy Mohamed Shahrom (Singapura).

Kelas G — Paul Matthew Taylor (Australia) kalahkan Robbie Poelstra (Holland).

Kelas H — Agus Rahmucahyo (Indonesia) kalahkan Wogeng Bu (Brunei).

Kelas I — Marcel Copini (Holland) kalahkan Chaerudin (Indonesia).

Kelas Terbuka — Malcolm Campbell McInture (Austria) kalahkan Sjoert Swart (Hol-

land).

*Bahagian wanita:*

Kelas A — Anisa Rahman (Indonesia) kalahkan Nazrah Abdul Latiff (Malaysia).

Kelas B — Rosiah Abdullah (Brunei) kalahkan Erlina (Indonesia).

Kelas C — Haslina Shahrudin (Malaysia) kalahkan Michael Bryant (Brunei).

Kelas D — Insa Gangey (Jerman Barat) kalahkan Faedah Mohamed Noor (Singapura).

Kelas E — Titien Hariinda (Indonesia) kalahkan Noor Anifah Abdul Rani (Malaysia).